

水經注疏要刪 第二冊

44
4634
399

水經注疏要刪卷六

宜都楊守敬撰

汾水

注神劍服御除眾毒

左一

戴刪服字考御覽

四十

引有服字按當作御服與

下毒叶韻

注石磴縈委

左二

元和志與此同戴改委作行非紀要引作縈紆較

勝

注羊腸卽此倉也

右三

當作卽此羊腸倉也

注以孟丙爲孟大夫

左

按左氏作孟丙人表亦然顧氏以漢志孟縣爲孟丙邑遂欲改左氏之孟爲孟左通云丙初受縣不當卽稱孟丙餘九大各著名氏可見然則丙爲孟姓而孟其封邑但廣韻已作孟丙蓋孟孟形近參錯久矣

注廣雅曰水自汾出爲汾陂其陂東西四里

左五

按廣雅水自汾出爲派眾經音義

二十

引同王念

孫謂水經注水自汾出爲下當有脫文是也今擬訂之曰水自汾出爲派積而成陂謂之汾陂接其

陂云云

注許慎說文曰瀉水出西河中陽縣之西

左五

之西二字不誤正可據以訂今本說文北沙之誤
乃反改之何也不云中陽縣西云之西者恐誤連
下南字讀也 沈西雍說文古本攷亦以北沙爲
非 酈氏所云瀉水當在今中都水賀水之間是
古中陽在今太谷之南平遙之西故酈氏以駁河
水篇經文謂其東翼汾水以其出於汾水之東故
也若孝義之中陽是曹魏所移置蓋由東移之西
非由西而移東也互詳河水篇

注馮水又會嬰侯之水

右六

按釋文所說鄔馮通用故書雅記皆然酈氏以馮爲鄔不知幾經攷索而後定之董氏謂說文鄔太原縣名不以太原之鄔爲馮不知馮已見水部故於邑部以縣名說之不妨其互通也 全氏謂酈氏於漚水鄔水兩引漚夷爲溷非也此是酈氏不能定一是故各著之凡注中如此者皆是此意人謂其失照誣矣

注謂之鄔水也

右八

上文馮鄔不辨形聲俱近不必辨也此鄔慮聲近

形不近故辨之

注孔子曰寧設桂樹乎

左八

釋史

八十

引作挂樹當是也

注享年四十有三建寧四年正月丁亥卒

右九

戴氏據後漢書本傳及文選改四十三爲四十二
改四年爲二年而未考建寧二年正月甲辰朔無
丁亥惟四年正月甲子朔則二十四日爲丁亥而
趙氏乃云有乙亥無丁亥尤誤按袁宏後漢紀於
建寧二年九月以後書黨人之禍郭泰私爲之慟
曰人之云亡邦國殄瘁漢室滅矣通鑑系於是年

十月是則建寧二年林宗尙存酈氏目驗石刻云
卒於建寧四年正月年四十三爲得其實不得以
范書文選改之也今有碑本作建寧二年正月乙
亥按二年正月甲辰朔亦無乙亥此僞本不足據
注飛廉先爲紂使北方還無所報乃壇於霍太山而
致命焉得石棺 賜汝石棺以葬

左十

史記秦本紀是時蜚廉爲紂石北方徐廣曰皇甫
謐云作石椁於北方當因石棺而附會之劉伯莊
遂謂霍太山在紂都之北更爲牽涉酈氏以石爲
使於情事爲合御覽

五百五十一

引史記亦作使豈六

朝相傳史記異本耶抑卽從水經注改訂耶史記作而報得石棺正義云報云得石棺亦非當以報字斷句屬上酈以爲致命深得其旨以葬今本史記作以華氏索隱謂光華其族迂曲不如酈氏所訂

注遂以葬於霍太山有岳廟

左十

史記本作遂葬於霍太山朱氏截下三字屬下讀遂疑於爲焉趙戴亦不考史記徑改爲焉余謂當疊山字文義愈足

注霍求公奔齊

左十二

朱氏疑求公爲哀公之誤以求無謚法也戴氏改作公求以合史記而不著所出何耶

注發源成潭漲七十步

左^{十二}

御覽引作濶七十步較漲字爲勝

注山海經曰牛首之山

左^{十三}

郭注今長安西南有牛首山按郭注非也此中山經文在霍太山之南不得在關中寰宇記黑山在神山西四十四里一名牛首山今日烏嶺山是也

注竹書紀年晉出公三十年

左^{十三}

沈氏云竹書是十三年今本竹書系於貞定王七

年則當晉出公之十三年然竹書附注一本作晉
出公二十年此朱氏所引今本竹書之年往往與
舊籍所引異三十之倒文爲十三亦安知非二十
之增筆爲三十耶當存舊文而著其異同

注應劭曰縣在平河之陽

右十三

今本漢志注亦作平河元和志御覽九作平水以
下文汾水南與平水合證之則作水是也

注漢昭帝封度遼將軍范明友爲侯國

左十三

錢竹汀云漢表明友本封平陵侯其地在南陽之
武當不在河東也

注水出平陽西壺口山

左三

元和志平山一名壺口山卽酈氏之說今平山在臨汾西南平水當卽今之南澗其地正當漢北屈之東南漢志言壺口山在北屈東南鄭注引地理志同水經山水澤地所在同酈氏所云正其篤守班志處自括地志有在吉昌西南五十里之說元和志寰宇記因之胡渭以下衆口一聲反謂酈氏爲誤並謂班氏所云東南當作西南不知括地志所指之山卽水經注之孟門山以孟門爲壺口荒矣嗟呼禹貢爲懸日月之書班氏述今古文家說

酈氏網羅舊聞何敢妄下雌黃後儒不信班酈竟以魏王泰之一言橫生異議吾爲班酈齒冷也

注晉大夫卻犇之邑也故其地有犇氏鄉亭矣

左十四

漢志襄陵有班氏鄉亭據此班當作犇 潛夫論

卻犇別食采於苦號苦成叔又曰苦成城名也在河東鹽池東北

注竹書紀年梁武王二十五年

右十五

按梁有武侯而無武王今本竹書系此於顯王二十三年適當梁惠成王二十五年戴氏獨於此仍舊文何耶

注晉武公滅荀以賜大夫原氏也

右六

趙氏據漢志應劭注於氏下補黯是爲荀叔五字

按酈氏所引文不必全也

左六

注京相璠曰今河東皮氏縣
按皮氏兩漢屬河東杜氏云屬平陽輿地廣記魏屬平陽京於杜爲後輩耳豈復有所改隸與

注故漢上谷長史侯相碑云侯氏出自倉頡之後

左六

按隸釋金鄉長侯成碑云周文王之後封於鄭鄭共仲賜姓曰侯與此異

注山上有稷祠山下稷亭

右七

當作山下有稷亭

注盤庚以耿在河北迫近山川乃自耿遷亳

右大

御覽

八十

引竹書祖乙居庇南盤庚遷奄書正義

引竹書盤庚自奄遷於殷則自祖乙至盤庚已有
三遷蓋此事異聞錯出自漢晉以來已不能定一
是故酈氏於此但采舊說而於洹水注又采竹書
以存異聞今本史記作遷於邢索隱曰邢音耿仍
指皮氏而皇極經世及通志乃謂祖乙圯耿徙邢
方輿紀要竟以邢臺實之眞矣

注漢河東太守潘係

右大

朱箋云舊本潘作番按史記河渠書漢書溝洫志
并作番後人多見潘少見番故改之戴氏竟沿其
誤何也

注漢書謂之汾陰脍

左六

漢書武帝紀元鼎四年立后土祠於汾陰脍上如
淳曰脍者河之東岸特堆崛長四五里廣二里餘
高十餘丈汾陰縣治脍之上后土祠在縣西汾在
脍之北西流與河合也師古曰一說地本名鄴音
與葵同彼鄉人呼鄴音如誰因轉而爲脍字是以
鄴邱與脍上爲一然酈氏注則分之爲二

澮水

注澮水東出詳高山

右十九

熊會貞曰戴改詳爲絳按御覽引作詳高山又名翔高山則作詳是不得臆改作絳下文澮山元和志作澮高山疑此注亦脫高字

注翼侯焚曲沃之禾而還作爲文公也

左十九

按作當作是此惠公十五年公子重耳入於曲沃下文也誤衍於此

注竹書紀年曰莊伯以曲沃叛

右二十

今本竹書莊伯上有十月二字以焚禾事系於家

谷下此注既系十二年於焚禾上而莊伯之叛又在十月則今本竹書誤

注昔晉軍北入翼廣以築之因卽其姓以名之

二十右

此有脫誤戴氏刪上以字仍不能通以晉軍北入翼斷句改其姓爲其事則可通

注汾水灌平陽或亦有之絳水浸安邑未識所出也

二十左

按韓非子說難篇國語韋注國策史記并作汾水可以灌安邑絳水可以灌平陽唯梁書韋叡傳與酈注同而胡身之引酈注則又與史策同而與今